

BOSNA I HERCEGOVINA  
FEDERACIJA BOSNE I HERCEGOVINE  
Fond za zaštitu okoliša Federacije Bosne I Hercegovine  
SARAJEVO

**PRIJEDLOG**

**P R A V I L N I K**

**O NAČINU PRAĆENJA NAMJENSKOG KORIŠTENJA SREDSTAVA I  
UGOVORENIH PRAVA I OBAVEZA**

Sarajevo, mart / ožujak 2010. godine

Na osnovu člana 27. stava 4. Zakona o Fondu za zaštitu okoliša Federacije Bosne i Hercegovine ( „Službene novine FBiH“, broj: 33/03), i člana 44. stav 3. Statuta Fonda za zaštitu okoliša Federacije Bosne i Hercegovine ( „Službene novine FBiH“, broj: 33/06), Upravni odbor Fonda za zaštitu okoliša Federacije Bosne i Hercegovine na prijedlog direktora Fonda i uz saglasnost Federalnog ministarstva turizma i okoliša, na sjednici održanoj dana \_\_\_\_\_ 2010. godine, donio je:

## **P R A V I L N I K**

### **O NAČINU PRAĆENJA NAMJENSKOG KORIŠTENJA SREDSTAVA I UGOVORENIH PRAVA I OBAVEZA**

#### **Član 1.**

Ovim Pravilnikom uređuje se način praćenja namjenskog korištenja sredstava koja Fond za zaštitu okoliša Federacije Bosne i Hercegovine ( u daljem tekstu: Fond) odobrava za finansiranje pripreme, provedbe i razvoja programa, projekata i sličnih aktivnosti u području očuvanja, održivog korištenja, zaštite i unapređenja okoliša ( u daljem tekstu: sredstva Fonda), te način praćenja ugovorenih prava i obaveza korisnika sredstava.

#### **Član 2.**

Pravne i fizičke osobe kojima su odobrena sredstva Fonda za provedbu programa, projekata, odnosno drugih aktivnosti ( u daljem tekstu: korisnici sredstava), dužni su dodijeljena sredstva koristiti namjenski, na način i u rokovima utvrđenim ugovorom o korištenju sredstava Fonda.

#### **Član 3.**

Fond prati korištenje sredstava koja je dodijelio za projekte, programe i druge aktivnosti, te nadzire njihovo namjensko korištenje na osnovu ugovora o korištenju sredstava Fonda, zavisno o njihovoj primjeni.

Ugovor o korištenju sredstava Fonda mora sadržavati odredbe o načinu nadzora izvođenja projekata, o načinu i rokovima obavještanja Fonda, te o mjerama koje mogu nastupiti radi neispunjavanja ugovorenih obaveza i nenamjenskog korištenja sredstava Fonda.

#### **Član 4.**

Fond prati i namjensko korištenje sredstava Fonda i izvršenje ugovorenih prava i obaveza korisnika sredstava:

- neposrednim uvidom, putem ovlaštene osobe,
- na osnovu izvještaja i dokumentacije dostavljene od strane korisnika sredstava.

## **Član 5.**

Fond ima pravo u svako doba, putem svojih ovlaštenih osoba, nadzirati namjensko korištenje sredstava Fonda i izvršenje prava i obaveza korisnika sredstava iz ugovora o korištenju sredstava Fonda.

Namjensko korištenje sredstava Fonda i izvršenje prava i obaveza korisnika sredstava, temeljem ugovora o korištenju sredstava Fonda za realizaciju programa i projekata zaštite okoliša, prate i nadziru nadležne službe Fonda.

Ako se, u postupku praćenja i nadzora nad namjenskim trošenjem sredstava Fonda i izvršavanjem ugovorenih prava i obaveza, utvrdi potreba za posebnim stručnim znanjima i iskustvima kojima Fond ne raspolaže, direktor Fonda može obavljanje navedene zadaće povjeriti jednoj ili više stručnih osoba, odnosno stručnoj organizaciji.

Kao ovlaštena osoba Fonda obavlja neposredni uvid na mjestu izvođenja programa, projekata, odnosno slične aktivnosti koja je predmet ugovora o korištenju sredstava Fonda, korisnik sredstava je dužan toj osobi omogućiti uvid u svu dokumentaciju u vezi s programom, projektom, odnosno aktivnošću koja se nadzire.

## **Član 6.**

Korisnik sredstava je dužan Fondu dostavljati izvještaje o realizaciji programa, projekata, odnosno slične aktivnosti u rokovima utvrđenim ugovorom o korištenju sredstava.

Izveštaj iz stava 1. ovog člana obavezno sadrži:

- opis izvršenih radova (zbirno i po fazama),
- utrošena finansijska sredstva,
- opis promjena u realizaciji projekata, programa, odnosno druge aktivnosti koje utiču na troškove realizacije,
- naznaku poteškoća pri izvođenju programa, projekata, odnosno druge aktivnosti s operativnim planom za njihovo rješenje,
- odstupanja od plana provedbe programa, projekata, odnosno druge aktivnosti,
- ostale podatke bitne za provedbu programa, projekata, odnosno druge aktivnosti i izvršenje ugovorenih obaveza.

Izveštaje iz stava 1. ovog člana provjerava nadležna osoba ili služba Fonda, te nakon njegove ovjere daje nalog za plaćanje odobrenih sredstava korisniku sredstava.

## **Član 7.**

Korisnik sredstava dužan je odmah obavijestiti Fond o slijedećim pitanjima:

- statusnim promjenama korisnika sredstava,

- promjeni osobe ovlaštene za zastupanje korisnika sredstava,
- nemogućnosti korisnika sredstava na ispunjenje ugovorom preuzetih finansijskih obaveza,
- namjeri promjene izvođača radova,
- nastupu nepredviđenih okolnosti koje utiču na tehnički, organizacijski ili finansijski dio provedbe programa, odnosno projekata,
- odstupanjima od plana izvođenja programa, odnosno projekata i razlozima za odstupanje,
- drugim okolnostima koje nalažu potrebu izmjene ugovora o korištenju sredstava Fonda.

#### **Član 8.**

Ako korisnik sredstava dodijeljena sredstva ne koristi na način i za namjene utvrđene ugovorom o korištenju sredstava, odnosno ne izvršava ugovorene obaveze, Fond će obustaviti dodjelu sredstava, a korisnik sredstava je dužan nenamjenski utrošena sredstva vratiti Fondu u roku od 15 dana od prijema pismenog zahtjeva za povrat, zajedno sa zakonskom zateznom kamatom tekućom od dana prijema sredstava pa do dana povrata sredstava na račun Fonda.

#### **Član 9.**

Nakon završetka programa, odnosno projekata, korisnik sredstava je dužan jednom godišnje izvještavati Fond o njegovim učincima u razdoblju utvrđenom ugovorom o korištenju sredstava Fonda, a najviše za razdoblje od 5 (pet) godina.

Ako korisnik sredstava ne postupi u skladu sa stavom 1. ovog člana, Fond ima pravo uskratiti svaku moguću daljnju finansijsku pomoć iz sredstava Fonda, kao i mogućnost sudjelovanja u javnim konkursima na sličnim projektima iz djelokruga Fonda.

#### **Član 10.**

Ovaj Pravilnik stupa na snagu danom objavljivanja u "Službenim novinama Federacije BiH".

Broj:  
Sarajevo,

PREDSJEDNIK  
UPRAVNOG ODBORA  
Mr. Pero M. Goluža, dipl. ing.